

## ASV-Lied

1. Om Sunndich is om Mee unne was los.  
Än Fremdä freacht, was moche die dou blos?  
Ja dos, dos könne mir Aüch gsoch,  
om Spourtplotz geahs häüt Schloch uf Schloch!

Haüt spielt die Höschter ASV  
und wie, dos wiss'mer ganz genau:  
Immer wieder vuane stürmisch, hinne dicht,  
bis dass die letzte Latte bricht!

2. Un is das Spiel dann endlich aus,  
hengt uns die Zunge bis zum Boudä raus,  
der Durscht is uner gröaßte Ploch,  
im Sportheim geahs etz Schloch uf Schloch:

Haüt säüft die Höschter ASV  
und wie, dos wiss'mer ganz genau:  
Immer wieder vuane stürmisch, hinne dicht,  
bis dass der letzte Moßkruach bricht!

3. Etz sitzä mir ganz lustich üm en Tisch.  
Nach drei, vier Moß sen mir scho wieder frisch!  
Der erschte zuät ä Liäd vürschloch  
un dann geahs wieder Schloch uf Schloch:

Haüt singt die Höschter ASV  
und wie, dos wiss'mer ganz genau:  
Immer wieder vuane stürmisch, hinne dicht,  
bis dass die letzte Stimme bricht!

4. Orch speat om Obend gehn mir endlich hem  
un tuenno immervo dam Toch häüt tröm.  
Im Bett, dos könne mir aüch gsoch,  
dou geahs dann wieder Schloch uf Schloch:

Haüt spielt die Höschter ASV  
und wie, dos wiss'mer ganz genau:  
Immer wieder vuane stürmisch, hinne dicht,  
bis dass die letzte Latte bricht!